

Te Gana Tuvalu | Te Fakatokaga o te COVID Puipuiga

E uiga mo te fakatokaga

Te Fakatokaga o te COVID-19 Puipuiga ka sui ne ia te faifaiga o Fakapulaga o Levolo e masani fakaoga ne te maalo o agai atu ki te COVID-19 i loto i Niu Sila.

I te taimi ko **katoa a suki puipui a te 90% o tino e mafai o suki i Niu Sila**, ka saogalemu iei o fakaoga te fakatokaaga foou tenei.

E fakaoga ne ia a te 3-levolo faifaiga ke fakatoka iei te COVID-19 i loto i te komiuniti:

- Launiu – e fakaoga manafai ko isi se pokotiaga foliki o te COVID-19 i loto i te komiuniti, a tino e faulu ki fakaimasaki e nofo i te levolo e mafai o tausigina, mo te fakatokaga o te ola 'lei e toka o agai atu kiei.
- Olenisi – e fakaoga manafai ko fanaka te pokotiaga o te COVID-19 i loto i te komiuniti, te fakatokaga o te ola 'lei ko agai fakapitoa ana fesoasoani kae e mafai loa o fakatoka te pokotiaga, a fanaka foki o lasi te fakamataku o pokotia ki tino katoa.
- Kula – e fakaoga manafai ko manakogina se gasuega ke puipui iei te fakatokaga o te ola 'lei kae ke puipui foki a komiuniti kola e lasi te fakamataku o pokotia.

E mafai ne tatou o avaka ki luga a levolo manafai ko manakogina ke fakatoka a pokotiaga lasi. Te fakatokaga e tai faigofie te fakamafuilifuli mafai e fakatusa ki te fakatokaga o Fakapulaga o Levolo. E aumai ne ia ki tino ko oti ne fai olotou suki puipui te saolotoga e tai lasi atu.

I levolo katoa, pisinisi, sitoa fakatau, pela foki mo koga ke fakaoga ne tino ka mafai loa o matala ki tino ko oti ne fai olotou suki puipui. A pisinisi kola e matala fua ki tino ko oti ne fai a suki puipui ka foliki te fakamataku o pokotia.

Mafea e fakaoga iei te fakatokaga foou tenei?

E mafai o lavea ne koe te aofaki o tino kola ko oti ne fai olotou suki puipui muamua io me ko te lua kae faka'pau tou fakai ki niisi fakai i loto i Niu Sila.

Onoono ki tou fakatuatusiga io me aasi te mape ke maua ne koe te koga e nofo koe iei.

Fanofanoga o te suki puipui i fakai lasi

Aofaga mo te ola 'lei o tino katoa

Aasiga, fakamauga o koga ne olo iei pela foki mo te fakama'vae o koe keatea e tumau loa te fakaoga pela me ne tausiga taaua o fakafoliki te faka'pisi o te manu masaki.

Te fakatapu te ololoo i kogaafakai e tumau loa o fai pela me se tasi o auala e fakaoga manafai e isi se fanaka fakavave o te aofai e masaki. E mafai foki loa o isi se manakoga ke fakaoga te fakatapu o tino e ololoo i koga lasi.

Te gasue i vaasia o levolo, ka onoono matou ki:

- te tokouke o tino ne suki puipui
- te mafai o te fakatokaga o te ola 'lei pena foki mo tino se katoatoa foitino
- aasiga, fakamauga o koga ne olo iei pela foki mo te mafai o fakatoka a te aofai o tino masaki, pela foki mo



- te 'pisi o te COVID-19 i loto i te komiuniti, e aofia iei tena pokotiaga ki komiuniti e onono malosi kiei.

Manakoga o te suki puipui setifiketi

Te suki puipui setifiketi se auala e fakamaonia iei ia koe ko katoatoa au suki puipui.

Te manakoga mo se suki puipui setifiketi ka fai mo filifiliga ki te ukega o koga. E isi ne koga ka tai lasi atu te fakamataku o pokotiaga tela ka manakogina ne latou ke mafai o tala atu ki tua i tino katoa.

A pisinisi, faigamea, fakapotopotoga, komiuniti, pela foki a nisi vaega kesekese ka mafai o filifili ne latou faka te tulafono ke fakaoga se manakoga o aasi i feitu tau suki puipui ke mafai o ulu atu ki loto a tino e fia fakaoga a koga konei.

Kafai se pisinisi, fakapotopotoga io me se ofisa fesoasoani e se manako o fakatagi ki se fakamaoniga o suki puipui, a latou ka galue i lalo o fakataputapuga e malosi e uiga mo te aofai e talia ki loto pela foki mo te lasi o te koga e mafai o fakaoga. Ka mafai o manakogina ke pono latou i te **Olenisi** pela foki/io me **Kula** levolo. A latou ko 16 tausaga io me silia atu ka mafai o maua olotou COVID-19 fakamauga o suki puipui e auala i te laupepa iti e fakaigoa ki te My Covid Record.

I konei foki ka mafai ne koe o maua a suki puipui setifiketi tau initaneti i loto i te atufenua pela foki ki tua atu o te atufenua pena foki mo ikuga o au aasiga ne fai o te COVID-19.

My Covid Record

Ne a uiga o levolo takitasi

Launiu

Launiu ko te tulaga tela e isi ne COVID-19 tino masaki i loto i te komiuniti, kae e isi foki ne tino masaki ne aumai mai tua. Te faka'pisi i loto i te komiuniti e se lasi kae ko tino e faulu i te fakaimasaki ona ko te COVID-19 e nofo i te levolo e mafai o tausigina. Te fakatokaga o te ola 'lei e toka o agai atu, e aofia iei ko fesoasoani i koga talavai, latou e galue mo te puipuiga o tino mai masaki pena foki mo fakaimasaki.

E pefea te tausiga o 'tou saogalemu i te Launiu:

- Fakamauga o gasuesuega pela foki mo te fakamauga i ata (scanning) ka manakogina
- Ufi mata e 'tau o pei i luga i vakalele pela foki i loto i koga e manakogina

Kofea koga e mafai o olo kiei i te Launiu:

- Koga e tala ki tino katoa
- Sitoa Fakatau
- Koga Galue
- Akoga kamata, akoga, kura mo akoga lasaga tolu
- Faigamea a komiuniti ne talia ke fai i tua i matafale
- Fakataputapuga i vaasia o fakai lasi ka se fakaoga.

Koga e isi ne manakoga ki suki puipui setifiketi

Ka seai ne fakataputapuga manafai a suki puipui setifiketi ko fakaoga ki:

- Koga galue ki te taliiga maalo
- Fakatasitasiga (pela mo avaga, koga lotu, marae)
- Faigamea (i loto mo i tua)
- pisinisi e pili tino ki sua tino
- Koga fakamalosi foitino kae togi

Koga kola e se fakaoga a suki puipui setifiketi

Kafai se pisinisi, fakapotopotoga io me se ofisa fesoasoani, e se manakogina ke fakamaoni te katoa o suki puipui o tino, ka fakaoga iei a fakatapatapuga.

- Koga galue ki te taliiga o maalo — e oko ki te 100 a tino, kae fakavae ki te 1 mita te vaasia o tino, e sagasaga pela foki te fakama'vae
- Fakatasitasiga (penei mo avaga, koga lotu, marae) — e oko ki te 100 a tino, kae fakavae ki te 1 mita te vaasia o tino
- Faigamea (i loto/i tua) — e oko ki te 100 a tino, kae fakavae ki te 1 mita te vaasia o tino, sagasaga pela foki te fakama'vae
- pisinisi e pili tino ki sua tino — pei ufi mata o tino galue, 1 mita vaasia o tino e fakaoga
- Koga fakamalosi foitino kae togi — e oko ki te 100 o tino, kae fakavae ki te 1 mita te vaasia o tino

Olenisi

I te **Olenisi**, ka fanaka te pokotiaga i loto i te komiuniti tela ko tai faigata iei te fakatokaga o te ola 'lei. Te fakatokaga o te ola 'lei saukatoa ka fakasaga ana fesoasoani, kae e mafai o fakasoko te fakateletelega o koga talavai, latou e galue mo te puipuiga o tino mai masaki, pena foki mo fakaimasaki. Ka mafai foki o fanaka te fakamataku ki tino kola e lasi te mafai o pokotia.

E pefea te tausiga o 'tou saogalemu i te Olenisi:

- Fakamauga o gasuesuega pela foki mo te fakamauga i ata (scanning) ka manakogina
- Ufi mata e 'tau o fakaoga i luga i vakalele, mea fakateletele e talia a tino ke fakaoga, i loto i tekisii, i sitoa fakatau, koga e tala ki tino katoa, mo niisi koga e manakogina

Kofea koga e mafai o olo kiei i te Olenisi:

- Koga e tala ki tino katoa ka tala ki te aofai e mafai kae fakavae ki te 1 mita i te vaasia
- Sitoa fakatau ka tala ki te aofai e mafai kae fakavae ki te 1 mita i te vaasia
- Koga fai iei akoakoga ka matala fakatasi mo puipuiga o feitu tau te ola 'lei o tino e fakaoga iei
- Koga Galue
- Faigamea a komiuniti ne talia ke fai i tua i matafale
- Fakatapatapuga i vaasia o fakai lasi ka se fakaoga.

Koga e isi ne manakoga ki suki puipui setifiketi

Ka sei ne fakatapatapuga manafai a suki puipui setifiketi ko fakaoga ki:

- Koga galue ki te taliiga maalo
- Fakatasitasiga (pela mo avaga, koga lotu, marae)
- Faigamea (i loto mo i tua)
- pisinisi e pili tino ki sua tino
- Koga fakamalosi foitino kae togi

Koga kola e se fakaoga a suki puipui setifiketi

Kafai se pisinisi, fakapotopotoga io me se ofisa fesoasoani, e se manakogina ke fakamaoni te katoa o suki puipui o tino, ka fakaoga iei a fakatapatapuga.

- Koga galue ki te taliiga maalo — sei ne fetauiga
- Fakatasitasiga (penei mo avaga, koga lotu, marae) — e oko ki te 50 a tino, kae fakavae ki te 1 mita te vaasia o tino

Koga konei ka se mafai o fakagalue manafai e sei se manakoga ki suki puipui setifiketi:

- Faigamea (i loto mo i tua)
- Koga fakamalosilosoi foitino kae togi
- pisinisi e pili tino ki sua tino

Kula

I te **Kula**, ka manakogina se gasuega ke fai ke puipui a tino e mafai o pokotia malosii pela foki mo te puipui o fakatokaga o te ola 'lei mai se napa lasi kae se maua o tausigina o tino e ave ki fakaimasaki.

E pefea te tausiga o 'tou saogalemu i te Kula:

- Fakamauga o gasuesuega pela foki mo te fakamauga i ata (scanning) ka manakogina
- Ufi mata e 'tau o fakaoga i luga i vakalele, mea fakateletele e talia a tino ke fakaoga, i loto i tekisii, i sitoa fakatau, koga e tala ki tino katoa, e fakamalosii i so se taimi e tiakina iei te fale

Kofea koga e mafai o olo kiei i te Kula:

- Koga e tala ki tino katoa — e tala kae e oko ki te 100 o tino, e fakavae ki te 1 mita te vaasia
- Sita fakatau — tala ki te aofai e mafai kae fakavae ki te 1 mita te vaasia
- Koga galue - galue mai fale e fakamalosigina
- Akoga kamata, akoga, pela foki mo kura e matala fakatasi mo fakanofonofoga mo te ola 'lei o tino katoa
- Faigamea fakapitoa i tua a komiuniti — ne talia ki te aofai e mafai
- Fakataputapuga i vaasia o fakai lasi ka mafai o fakaoga

Koga e isi ne manakoga ki suki puipui setifiketi

Ka isi ne fakataputapuga manafai a suki puipui setifiketi ko fakaoga.

Koga konei ka mafai o tala ki se tokouke e oko ki te 100 o tino, kae fakavae ki te 1 mita te vaasia e fakavaa:

- Koga galue ki te taliiga maalo
- Fakatasitasiga (pela mo avaga, koga lotu, marae)
- Faigamea (i loto mo i tua)
- Koga fakamalosilosoi foitino kae togi

Koga konei ka mafai o tala fakatasi mo niisi fakanofonofoga:

- Pisinisi e pili tino ki sua tino fakatasi mo fakanofonofoga mo te ola 'lei o tino katoa ke isi
- Akoga lasaga tolu — suki puipui e manakogina mo te fakaokoga ki te koga tena, fakatasi mo te aofai e mafai kae fakavae ki te 1 mita te vaasia

Koga kola e se fakaoga a suki puipui setifiketi

Kafai se pisinisi, fakapotopotoga io me se ofisa fesoasoani, e se manakogina ke fakamaoni te katoa o suki puipui o tino, ka fakaoga iei a fakataputapuga.

- Koga galue ki te taliiga maalo — sei ne fetauiga
- Fakatasitasiga (pela mo avaga, koga lotu, marae) — ke oko ki te 10 o tino
- Akoga lasaga tolu — tauloto mao fua

Koga konei ka se mafai o fakagalue manafai e sei se manakoga ki suki puipui setifiketi:

- Faigamea (i loto mo i tua)
- pisinisi e pili tino ki sua tino
- Koga fakamalosilosoi foitino kae togi

Fano o suki puipui

Ke mafai ne tino katoa i Niu Sila o fiafia i olotou olaga katoa, fano o suki puipui i te aso nei.

Kafai koe ko oti ne suki puipui, fai te mea e mafai ne koe o fesoasoani ki ou taugasoa pela foki mo kaaiga ke fai olotou suki puipui ke mafai ne tatou o fiafia i te olaga i loto i te fakatokaga foou i se taimi vave atu.

[BookMyVaccine](#)